

職官分紀

卷一

一

二

三

四

五

六

七

八

九

總校官編修臣王燕緒

校對官編修臣

吳舒帷

謄錄監生臣

開

淮

欽定四庫全書

職官分紀卷三十二

宋 孫逢吉 撰

諸王府僚屬

前漢百官志

後漢百官志

並見諸侯王門

漢舊儀帝子為王王國置太傅相中尉各一人秩二千石
續漢書王子封王者其郡為國每國各置郎中令一
人秩千石掌王夫人郎中宿衛官也

晉中興書謝尚司徒左西屬為會稽王友

晉咸寧起居注諸王國大國三卿左右常侍侍郎

隋百官志梁皇弟皇子府置師長史司馬從事中

郎諮議叅軍及掾屬中錄事中記室中兵等叅軍功曹

史錄事記室中兵等叅軍文學主簿正叅軍行叅軍長

兼行叅軍等員嗣王府則減皇弟皇子府師友文學長

兼行叅軍蕃王府則又減嗣王從事中郎諮議叅軍掾

屬錄事記室中兵叅軍等員後齊王位列大司馬上置

師一人餘官大抵與梁不異隋親王置師友各一人文學二人長史司馬諮議叅軍事掾屬各一人主簿二人錄事功曹記室戶倉兵等曹騎兵城局等叅軍事東西閤祭酒各一人叅軍事四人法田水鎧士等曹行叅軍各一人行叅軍六人長兼行叅軍八人典籤二人

唐職官志王府官屬親王府傳一人諮議叅軍一人友

一人文學二人東閤祭酒西閤祭酒各一人

六典親王府傳一人從三品

漢高祖初置諸侯王有太傅輔導王後漢書傅秩二

千石魏晉因之宋齊梁陳皆為師後魏始藩王二藩王
三藩王各有師傳北齊唯置師隋皇叔昆弟皇子為親
王者置師皇朝因之開元改為傳掌傳相訓導匡其過失

國朝有其官而無定員正三品

諮議參軍事一人正五品上

晉氏公府置諮議參軍事
蓋取諮詢謀議軍事也宋

齊因之梁陳諸王公府及位從公開府者及皇弟皇子
庶子府各有諮議參軍員隋三公府及諸王府各有一
人正五品上皇朝因之國朝太平興國中始置諮議正
五品上其後不置唯升王府復置諮議參軍以常參官
充掌訐謀左右參議庶事

友一人從五品下

漢東平憲王為驃騎將軍辟杜撫為
西曹掾尋以為師友魏晉諸王置友

一人宋齊因之品第六進賢一梁冠絳朝服梁皇弟皇子府友各一人班第八正六品陳因之後魏諸王友從四品下北齊皇子置友一人第五品上隋為從五品下皇朝因之

掌陪侍遊居規諷道

義

國朝有其官而無定員從五品下升王府始置友

文學二人從六品上

漢氏公府州郡並有文學魏氏諸王始有文學員晉宋齊梁陳皆因

之班第五從七品後魏太和末六品上北齊因之隋親王府有文學二人從六品上皇朝因之掌讎校

典籍侍從文章

東閣西閣祭酒各一人從七品上

晉初位從公以上並置東閣西閣祭酒宋

齊梁陳後魏北齊皆相因親王嗣王上柱國府各掌接
有東閣西閣祭酒各一人從七品上皇朝因之

對賢良導引賓客

長史一人從四品上漢相國丞相有兩長史秩千石後漢三公府各有長史一員魏太祖

吳長沙桓王府因之宋齊諸王領藩鎮者有一人品第六秩千石銅印墨綬進賢兩梁冠絳朝服梁陳公府並

有一人後魏北齊亦同隋親王嗣王郡王各有長史皇朝因之嗣王郡王則不置

司馬一人從四品下司馬主兵官宋齊諸王領鎮者各有一人梁陳後魏北齊隋並與長

史同置皇朝因之長史司馬掌統理府寮紀綱職務

國朝有其官而無定員

掾一人正六品上

漢氏三公大將軍御史大夫並有掾屬員西漢辟召皆上言之故東西曹

掾比四百石餘曹比三百石其屬並二百石後漢皆自辟除不復上言故通降為百石品秩雖下優禮甚宏三公蓋天子之股肱掾屬則三公之喉舌故三府掾乃言行之本禍福之主及其遷除或周月而長州郡或數年而至公卿魏晉皆相因置多者或至數十人江左以來諸公置掾二人其如崇者置四人掾屬常教明教義肅清風俗非禮不言非法不行以訓羣吏宋齊梁陳後魏北齊公府皆有掾隋三公三師不開府國王嗣王郡王府有掾屬一掌通判功曹戶曹倉曹事人皇朝因之

屬一人正六品上

漢魏以來與掾同置過江之後則為曹名諸公置戶曹屬一人其如崇者

置倉曹掾屬一人梁陳諸公皇子皇弟府並有屬後魏北齊三師三公府各有掾隋親王府有屬一人皇朝因

之掌通判兵曹法曹士曹事

主簿一人從六品上

漢三公府有黃閤主簿省錄衆事魏晉以下皆有之梁陳諸公皇子

皇弟府各有主簿後魏皇子主簿從六品北齊諸王皆有主簿隋親王府二人皇朝置一人

掌覆省

王教

史二人

皇朝因隋置餘史並同

記室參軍事二人從六品上

漢三公及大將軍皆有記室令史主上章表奏報書

記魏太祖輔漢以陳琳阮瑀管記室軍國書檄多二人所作晉氏諸公及位從公以上並有參軍員宋諸公府有記室參軍梁陳公府及王府皆有記室參軍北齊因之隋親王府有記室參軍皇朝因之

掌表

啟書疏

錄事參軍事一人從六品上

晉元帝初為鎮東大將軍有錄事參軍一人梁陳王

府有中錄事參軍及錄事各一人後魏北齊因之隋親王嗣王府有錄事參軍一人皇朝因之掌府事

勾稽省署抄目

錄事一人從九品下掌受事發差兼勾稽失

功曹參軍一人正七品上

漢魏晉宋齊梁陳後周州郡縣並有功曹員從魏太和末

諸王府並有功曹員隋氏親王嗣王府有功曹掌文官

參軍煬帝改為功曹書佐皇朝復為功曹參軍

簿書考課陳設儀式等事

倉曹參軍事一人正七品上

後魏諸王府有倉曹參軍
隋親王府有倉曹參

軍煬帝改倉曹書佐
皇朝復為倉曹參軍

掌廩祿請給財物市易等事

戶曹參軍事二人正七品上

後魏隋氏與
倉曹同置

掌封戶田宅

僮僕弋獵等事

兵曹參軍事一人正七品上

梁陳王府有中兵曹參軍
事中直兵曹參軍各一人

後魏有皇子府中兵曹參軍始藩王二藩王有兵曹參
軍北齊皇子府有中兵外兵參軍隋親王嗣王府有兵

曹參軍煬帝改為兵曹書
佐皇朝復為兵曹參軍

掌武官簿書考課儀衛假使

等事

騎曹參軍事一人正七品上

隋親王府有騎曹參軍一人煬帝改為騎曹書

佐皇朝復故掌厩牧騎乘文物器械等事

法曹參軍事一人正七品上

梁陳後魏諸王府隋親王府並有法曹行參軍

煬帝改為法曹行書佐皇朝復故掌推按欺隱決罰刑獄等事

士曹參軍事一人正七品上

後魏諸王府隋親王府皆有士曹行參軍煬帝改為

士曹行書佐皇朝復故掌公廨舍宇繕造工徒等事

參軍事二人正八品下

漢末三公府有參軍事如孫堅參騎軍事荀彧參丞相軍事是

也魏武帝征荊州請邯鄲淳參軍事自晉宋以來代有其任梁選簿皇弟皇子府有正參軍後魏有皇子參軍

北齊因之隋親王嗣王府有參軍六人長兼行參軍八人煬帝改為行書佐皇朝復為參軍四人今減二人六曹以下官吏三府並同其雜使又有執刀十五人典獄十八人問事十二人白直二十四人掌出使

及雜檢校事

行參軍四人從八品上

晉氏加置以自辟召故曰行也宋齊梁陳皆有之梁選簿嗣王

府行參軍降正王府一階隋親王嗣王府並有長兼行參軍煬帝改為長兼行書佐皇朝改為行參軍

典籤二人從八品下

齊職儀云諸公領兵局有典籤二人隋親王府嗣王府上柱國柱國

府上將軍將軍府各有二人皇朝因之

掌宣傳教令事

親王國國令一人從七品下

隋置皇朝因之

大農二人從八品下

漢諸侯王國置大農晉諸王國置大司農與郎中令中尉為三卿宋

齊梁陳北齊王國並有大農隋置一人皇朝因之

國令大農掌通判國司事

尉二人正九品下

漢諸王國有王尉魏晉宋齊梁陳北齊並有中尉隋因為尉皇朝因之

掌分判國司事

丞一人從九品下錄事一人府五人史十人

並皇朝置掌府

事勾稽省署抄目監印給紙筆事

典衛八人

漢諸王國有衛士長主衛士侍衛晉諸王國有典衛令宋齊梁陳北齊並有隋王國有典

衛八人皇朝因之

掌守衛居宅事

舍人四人

陳北齊王國皆有舍人隋王國有舍人四人皇朝因之

掌供引納驅策

事

學官長一人

晉宋齊梁陳王國並有學官令隋有學官長皇朝因之

掌教授內人

事

食官長一人丞一人

宋齊梁陳北齊王國並有食官長隋親王國有食官長丞各一人皇

朝因之掌營造膳食事

廐牧長二人丞二人

漢諸王國有太僕武帝改曰僕晉宋王國置牧長後魏北齊為廐牧

長隋置長丞各一人皇朝因之掌畜牧牛馬事